



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 3. Origenistæ in Palæstina.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

§. III.

Sæculum VI.  
A.C. 538.

*Origenistæ in Palæstina.*

Pelagium Diaconum Sacræ Sedis Legatum, post Palæstinæ Profectionem Constantinopolim reversum, quidam Monachi Jerosolymitani, quos in transitu viderat, adierunt. Afferebant aliqua ex Libris Origenis excerpta, ab Imperatore petitori, ut ea damnari juberet. Sed ista nobis altius repetenda sunt. Nova Laura a S. Saba anno 507. Monachorum seditiosorum Bono fundata primum Abbatem habuit Joannem Prophetiæ Dono clarum. Is morti proximus illius Congregationis Primoribus apud se confidentibus flens dixit: *Ecce dies veniunt, quibus locorum istorum incolæ extollentur, & a Fide aberrabunt. Sed confundetur eorum superbia, & postquam temeritas intolerabiles reddiderit, ejicientur.* Joannis Successor Paulus vir simplex quosdam Monachos Origenis Doctrinam secreto tradentes ignarus suscepit. Illorum primus habebatur aliquis nomine Nonnus ex Palæstina, qui etsi non modo Christianus, sed etiam vir pius esse videretur, nihilominus errores Paganorum, Judæorum, & Manichæorum in sinu fovebat, & Origenis somniis de existentia Animarum ante corpora fidem adhibebat. Abbas Paulus non ultra sex

*Sup. L.*  
*XXXI. 5.*  
*15. Vita S.*  
*Sabæ c. 36.*  
*p. 173.*

*p. 274.*

*Hist. Eccles. Tom. VII. Pp Men-*

Sæculum VI. Menses Novam Lauram rexit, habuit  
A. C. 538. que Successorem Agapitum S. Sabæ Di-  
scipulum.

Agapitus istorum quatuor Monacho-  
rum erroribus deprehensus, timens, ne  
alios inficerent, annuente Elia Patriarcha  
Jerosolymitano eos ejecit. Verum Elia  
*Sup. XXXI* Sede pulso, hi Monachi Jerosolymam i-  
*S. 27. Vit.* verunt, rogaruntque Joannem ejus Suc-  
*S. Sabæ.* cessorem, ut ad Novam Lauram redire  
ipsis liceret. Is S. Sabam, & Agapitum  
accesit, & comperto, quod Nonnus ce-  
terique Origenistæ essent, noluit ulte-  
rius eis aures dare. Post Agapitum No-  
væ Lauræ Abbas fuit Mamas, qui Nonnum  
& socios ejus sibi ignotos suscepit. S. Sa-  
bæ severitatem reveriti non audebant  
errores suos in lucem producere, & quam-  
diu Vir Sanctus in vivis fuit, una om-  
nium Monachorum in Palæstinæ Deser-  
to fides esse videbatur. At ipso fatis  
functo, Nonnus cum suis cœperunt er-  
rores proferre, quibus non solum doctis-  
simum quemque Novæ Lauræ, sed etiam  
Monasterii Martyrii, & Lauræ Firmini  
*Vita c. 83* imbuerunt, & brevi tempore Origenis  
*p. 360.* Doctrinam usque in Lauram magnam,  
*Vita S. Cy-* & reliqua hujus Eremitæ Monasteria inve-  
*riaci p. 118.* xerunt.  
*Anal. gr.*

Sub idem tempus Domitianus Abbas  
S. Martyrii, & Theodorus Cappadox co-  
gnomento Ascidas, Exarcha seu Vistita-  
tor

tor Novæ Lauræ, ambo Origenistæ zelo-  
 sissimi Constantinopolim venerunt, simu-  
 lantes se suscipere Defensionem Concilii  
 Calcedonensis. Ambo Libello ab Abba-  
 tibus Orientis, quibus Constantinopoli-  
 tani se junxerant, Agapito Papæ tradi-  
 to subscripserunt. In illa Subscriptione  
 Domitianus Presbyterum & Archiman-  
 dritam Monasterii Martyrii se dicit, &  
 Theodorus Diaconum atque Novæ Lau-  
 ræ Monachum. Cum essent solerti in-  
 genio effecerunt, ut Imperatori noti fie-  
 rent, tantamque postea in aula Cæsareâ  
 Gratiâ adepti sunt, ut ambo ad Archi-  
 episcopatus fastigium, Domitianus An-  
 cyræ in Galatia, Theodorus Cæsareæ in  
 Cappadocia evecti fuerint. Horum igitur  
 Auctoritas Nonno & Asseclis ejus  
 animos addidit, ut eo majore studio Do-  
 ctrinam Origenis per totam Palæstinam  
 propagarent.

Cum Abbas Melitas S. Sabæ Succes-  
 sor eidem non plus dies quinque super-  
 vixisset, Gelasius initio decimæ quintæ  
 Indictionis, id est, sub finem anni 536.  
 Regimen suscepit, qui videns, quantum  
 Hæresis Origenis in sua Congregatione  
 invaluisse, adhibito ad consilium S. Jo-  
 anne Silentario, & trium aliorum Mona-  
 chorum auxilio suffultus Tractatum An-  
 tipatri Episcopi Bosrensis adversus erro-  
 res Origenis prælegi jussit. Intendue-  
 runt

Sæculum VI.  
 A. C. 538.

Vit. S. Sabæ

Sup.  
 XXXII.

S. 54. to. 5.  
 Conc. p. 35.

Origenistæ.

Vit. S. Sabæ  
 p. 331.

Sæculum VI.  
A. C. 538.  
*p. 363.* runt Origenistæ, & quia conventicula separata agebant, eorum ferme quadraginta ex Laura S. Sabæ migrare compulsi sunt. Hi ad Novæ Lauræ Monachos Nonnum & Leontium confugerunt. Leontius congregatis omnibus illius Sectæ Ducibus consilium suggessit, ut Majorem Lauram vi aperta invaderent. Primo ad Monasterium S. Theodosii se contulerunt, quod sperarent, Sophronium Abbatem in partes suas pertrahi posse. Sed vanus fuit conatus. Tunc vero pudore & furore incensi in diversos pagos miserunt, qui ligones, harpagones, vectes ferreos, aliaque hujus generis instrumenta comportarent, & agricolas auxiliarios colligerent. Ita instructi gradus ad majorem Lauram accelerant, totam excisuri. Quamvis vero hora octava esset matutina, cœcitate percussi, & postquam tota illa die per loca aspera & invia processissent, luce altera prope aliud Monasterium se consistere admirati sunt. Id auxilii huic Lauræ ad S. Sabæ preces a Deo concessum creditum est.

*p. 364.**Sup. n. 1.*

Eodem etiam tempore Ephrem Patriarcha Antiochenus cum Eusebio Cyziceno, Hypacio Ephesino, & Pelagio Diacono ad Paulum Alexandrinum deponendum, ut diximus, in Palæstinam venit. Cum Eusebius soluto Concilio Jerusalem se contulisset, venit ad eum  
Leon.

Leontius Byzantinus adducens etiam il-  
 los, qui ex Majore Laura ejecti fuerant,  
 accusantes Abbatem suum Gelasium,  
 quod dissensionum causa in Congregatio-  
 ne esset, & Adversariis ipsorum faveret.  
 Eusebius deceptus a Leontio, qui nullam  
 de Origenis Doctrina mentionem fecerat,  
 accersito Abbate Gelasio, imperavit, ut  
 eos, quos ejecerat, reciperet, aut ipso-  
 rum Adversarios ejiceret. Gelasius istud  
 posterius faciendum elegit, & ex Laura  
 dimisit sex Monachos Orthodoxos, qui  
 lubenti animo hanc persecutionem feren-  
 tes, Antiochiam profecti sunt, ubi Ephrem  
 Patriarchæ, quæ contigerant, narrarunt,  
 eique Libros Antipatri Bosrensis ostende-  
 runt, Patriarcha errores Origenis ex iis  
 libris cognoscens, & ea, quæ Origenistæ  
 Jerosolymæ egissent, edoctus edita Epi-  
 stola Synodica Doctrinæ Origenis Ana-  
 thema dixit. Id ubi Jerosolymæ rescie-  
 verunt, Nonnus & Sectatores ejus, quibus  
 etiam Leontius, tunc Constantinopoli  
 commorans, Domitianus Ancyranus, &  
 Theodorus Cæsariensis favebant, apud  
 Petrum Patriarcham Jerosolymitanum  
 instabant, ut Nomen Ephrem Antioche-  
 ni ex Dyptichis deleret. Inde magnæ  
 exortæ sunt turbæ. Petrus, Abbatibus  
 Sophronio & Gelasio clam ad se vocatis,  
 jussit, ut sibi contra Origenistas Libellum  
 supplicem traderent, & obtestarentur,

Sæculum VI.  
 A. C. 538.

p. 365.

Pp 3 ne

Sæculum VI. ne Nomen Ephrem ex Dyptichis tolle-  
A.C. 538. ret. Tradiderunt ipsi, qualem petebat,  
 Libellum, quem acceptum Petrus ad Im-  
 peratorem transmisit, & quanta mala O-  
 rigenistæ perpetrarent, perscripsit. Hæc  
 ergo erat Epistola & supplex Libellus,  
 quem Monachi Jerosolymitani affere-  
 bant, dum Constantinopolim ad Pela-  
 gium Diaconum Sacræ Sedis Legatum  
 venerunt.

## §. IV.

*Justiniani Edictum.*

Pelagius aliunde Theodori Cappadocis  
 Adversarius, sciensque ipsum Orige-  
 nis erroribus infectum, cum Menna Pa-  
 triarcha Constantinopolitano operam  
 junxit, quo facilius Imperator postulatio-  
 ni Monachorum ex Palæstina benignas  
 aures daret, & Origenes damnaretur.  
 Justinianus Imperator eo lubentius an-  
 nuit, quod Quæstiones ad Religionem  
 pertinentes definire amaret. Ergo edi-  
 to longo Edicto primum errores, qui O-  
 rigeni tribuebantur, exponit, & in sex Ca-  
 pita dividit. I. Errores circa Trinitatem.  
*Pater major est Filio, Filius Spiritu San-  
 cto & Spiritus S. ceteris Spiritibus ma-  
 jor est. Filius non potest videre Patrem,  
 nec Spiritus S. Filium, & quod nos su-  
 mus comparati Filio, id Filius est com-  
 paratus Patri.* II. De Creatione. Po-  
 tentia

to. 5. Cont. p.  
 635. p. 638.